

საქართველოს სოფლის მეურნეობისა
და სურსათის მინისტრის
ბ რ ძ ა ნ ე ბ ა N2-220
2003 წლის 12 აგვისტო ქ. თბილისი

"ვაზის სადედეების, სამცნობი მასალებისა და ნამყენი ნერგის წარმოების ტექნიკური და ფიტოსანიტარული კონტროლის წესის", "ვაზის სამცნობი მასალებისა და ნამყენი ნერგის სერტიფიცირების წესის", "მევენახეობის სპეციფიკური ზონების და მევენახეობის მხარის დადგენის წესის", "ადგილწარმოშობის დასახელების ღვინოების წარმოების მიზნით სპეციფიკური ზონიდან ყურძნის გატანის წესის", "ყურძნისეული წარმოშობის ალკოჰოლიანი სასმელების ეტიკეტირების კონტროლის წესის" დამტკიცების შესახებ

"ვაზისა და ღვინის შესახებ" საქართველოს კანონით საქართველოს სოფლის მეურნეობისა და სურსათის სამინისტროს დაევალა საქართველოს მევენახეობისა და მეღვინეობის დარგის მარეგულირებელი ნორმატიული აქტების გამოცემა.

ზემოაღნიშნულიდან გამომდინარე, ვბრძანებ:

1. დამტკიცდეს თანდართული "ვაზის სადედეების, სამცნობი მასალებისა და ნამყენი ნერგის წარმოების ტექნიკური და ფიტოსანიტარული კონტროლის წესი" და ამოქმედდეს გამოქვეყნებისთანავე.

2. დამტკიცდეს თანდართული "ვაზის სამცნობი მასალებისა და ნამყენი ნერგის სერტიფიცირების წესი" და ამოქმედდეს გამოქვეყნებისთანავე.

3. დამტკიცდეს თანდართული "მევენახეობის სპეციფიკური ზონების და მევენახეობის მხარის დადგენის წესი" და ამოქმედდეს გამოქვეყნებისთანავე.

დამტკიცდეს თანდართული "ადგილწარმოშობის დასახელების ღვინოების წარმოების მიზნით სპეციფიკური ზონიდან ყურძნის გატანის წესი" და ამოქმედდეს გამოქვეყნებისთანავე.

დამტკიცდეს თანდართული "ყურძნისეული წარმოშობის ალკოჰოლიანი სასმელების ეტიკეტირების კონტროლის წესი" და ამოქმედდეს გამოქვეყნებისთანავე.

იურიდიული, კანონშემოქმედებითი და პარლამენტთან ურთიერთობის სამსახურმა (გ. მერაბიშვილი) უზრუნველყოს წინამდებარე ბრძანების რეგისტრაცია საქართველოს იუსტიციის სამინისტროში, ხოლო დეპარტამენტმა "სამტრესტმა" კი მისი გამოქვეყნება.

7. კონტროლი ბრძანების შესრულებაზე განახორციელოს მინისტრის მოადგილემ დ. გრიგოლიამ.

მინისტრის
პირველი მოადგილე

ნუგზარ მამალაძე

**ვაზის სადედეების, სამცნობი მასალების და ნამყენი ნერგის წარმოების
ტექნიკური და ფიტოსანიტარული კონტროლის
წესი**

მუხლი 1. ზოგადი დებულებები

1. წინამდებარე წესი შემუშავებულია "ვაზისა და ღვინის შესახებ" საქართველოს კანონის საფუძველზე.
2. ვაზის სადედეების, სამცნობი მასალების და ნამყენი ნერგის წარმოების ტექნიკური და ფიტოსანიტარული კონტროლის მიზანია სამცნობი მასალების და ნამყენი ნერგის სერტიფიცირების უზრუნველყოფა ობიექტური ინფორმაციით.
3. ვაზის სადედეების, სამცნობი მასალების და ნამყენი ნერგის წარმოების ტექნიკურ და ფიტოსანიტარულ კონტროლს ახორციელებს საჯარო სამართლის იურიდიული პირი – ღვინის ეროვნული სააგენტო (შემდგომში – სააგენტო). (15.08.2012 N 2-149)
4. ვაზის სადედეების, სამცნობი მასალების და ნამყენი ნერგის წარმოების ტექნიკური და ფიტოსანიტარული კონტროლი ხორციელდება ფიზიკური ან იურიდიული პირის მიერ გაკეთებული შეტყობინების საფუძველზე, რომელიც უკავშირდება პირის განზრახვას – აწარმოოს ვაზის სამცნობი მასალები და/ან ნამყენი ნერგი.
5. კონტროლი ხორციელდება სამცნობი მასალების და ნამყენი ნერგის წარმოების ყველა ეტაპზე. კონტროლის შედეგად დგინდება, უზრუნველყოფს თუ არა წარმოების მოცემული პირობები და ტექნოლოგიის დაცვის ხარისხი სამცნობი მასალების და ნამყენი ნერგის ჯიშურ სიწმინდეს და ფიტოსანიტარულ სიჯანსაღეს.

მუხლი 2. კონტროლის ობიექტები

ტექნიკური და ფიტოსანიტარული კონტროლის ობიექტებია:

1. ვაზის ჯიშები და ჯიშური სიწმინდე საძირეთა და სანამყენეთა სადედეებში;
2. სადედეებში დაავადებებით და მავნებლებით ვაზის დაზიანების, აგრეთვე, მექანიკური დაზიანების ხარისხი;
3. აგროტექნიკური ღონისძიებები სადედეებში;
4. აპრობაცია სადედეებში;
5. სამცნობი მასალების შენახვის პირობები;
6. სამცნობი მასალების ფიტოსანიტარული მდგომარეობა მცნობის წინ;
7. სამცნობი მასალების ტექნიკური მონაცემები და მათი შესაბამისობა საქართველოს კანონმდებლობით განსაზღვრულ მოთხოვნებთან;
8. მცნობის პროცესი;
9. ნამყენის სტრატეგიკაციის პროცესი;
10. კალუსის ხარისხი სტრატეგიკაციებზე ნამყენზე;
11. ნამყენის სტრატეგიკაციის შემდგომი დახარისხება;
12. ნამყენი ნერგის ჯიშური სიწმინდე და დაავადებათა ხარისხი სანერგეებში;
13. აგროტექნიკური ღონისძიებები სანერგეებში;
14. ნამყენი ნერგის დახარისხების პროცესი სანერგედან ამოღების შემდეგ;
15. ნამყენი ნერგის შენახვის პირობები.

მუხლი 3. უფლებამოსილება კონტროლის განხორციელებაზე

1. კონტროლის განხორციელება ზეუფლებამოსილების მინიჭება სააგენტოს

სპეციალისტებისათვის ხორციელდება სააგენტოს თავმჯდომარის ინდივიდუალური ადმინისტრაციულ-სამართლებრივი აქტით. (15.08.2012 N 2-149)

2. ინდივიდუალურ-სამართლებრივ აქტში მითითებული უნდა იყოს:

ა) კონტროლის განხორციელების უფლებამოსილი პირის ან პირების სახელი, გვარი, თანამდებობა;

ბ) მეწარმე სუბიექტის დასახელება, სადაც უნდა განხორციელდეს კონტროლი;

გ) კონტროლის მიზანი და ობიექტები;

დ) კონტროლის განხორციელების ვადა.

მუხლი 4. მაკონტროლებელი პირების უფლებამოსილება

მაკონტროლებელ პირს უფლება აქვს:

სამყნობი მასალებისა და ნამყენი ნერგის სერტიფიცირებისათვის მაქსიმალური და ობიექტური ინფორმაციის მოპოვების მიზნით მოახდინოს სადედეების, სამყნობი მასალების და ნემყენი ნერგის წარმოების ნებისმიერი პროცესის ტექნიკური და ფიტოსანიტარული კონტროლი;

გაეცნოს ვენახის წიგნის და ტექნოლოგიური ხასიათის სხვა დოკუმენტების ჩანაწერებს;

გ) მოითხოვოს ტექნოლოგიური ხასიათის დამატებითი ინფორმაცია.

მაკონტროლებელი პირი ვალდებულია:

შეამოწმოს მხოლოდ ინდივიდუალურ-სამართლებრივი აქტით განსაზღვრული კონტროლის ობიექტები;

კონტროლის დროს იხელმძღვანელოს მევენახეობა-მელვინეობის დარგში მოქმედი ნორმატიული ხასიათის წესებით, რეგლამენტებით, ტექნოლოგიური ინსტრუქციებით;

გ) კონტროლის შედეგები დეტალურად აღწეროს თავის ანგარიშში.

მუხლი 5. მეწარმე სუბიექტის ვალდებულება

მეწარმე სუბიექტი ვალდებულია ხელი შეუწყოს მაკონტროლებელ პირს მე-4 მუხლით განსაზღვრული უფლებამოსილების განხორციელებაში და წარუდგინოს მოთხოვნილი მონაცემები.

მუხლი 6. კონტროლის შედეგები (15.08.2012 N 2-149)

ტექნიკური და ფიტოსანიტარიული კონტროლის შედეგები სააგენტოს მიერ გამოიყენება მხოლოდ სამყნობი მასალების ან ნამყენი ნერგის სერტიფიცირებისათვის.

ვაზის სამყნობი მასალების და ნამყენი ნერგის სერტიფიცირების წესი

მუხლი 1. ზოგადი დებულებები

1. წინამდებარე წესი შემუშავებულია "ვაზისა და ღვინის შესახებ" საქართველოს კანონის საფუძველზე..

2. ვაზის სამყნობი მასალების და ნამყენი ნერგის სერტიფიცირების მიზანია მოცემული მასალების შესაბამისობის დადგენა საქართველოს კანონმდებლობით დადგენილ მოთხოვნებთან.

3. საჯარო სამართლის იურიდიული პირი – ღვინის ეროვნული სააგენტო (შემდგომში – სააგენტო) მევენახეობა-მელვინეობის დარგში სერტიფიკაციის სისტემის ცენტრალურ ორგანოს წარმოადგენს; (15.08.2012 N 2-149)

- ვაზის სამყნობი მასალების და ნამყენი ნერგის სერტიფიკაციას ახორციელებს სააგენტო

და საქართველოს კანონმდებლობის შესაბამისად აკრედიტებული სხვა სასერტიფიკაციო ორგანოები.

მუხლი 2. სასერტიფიკაციო კომისია

1. სააგენტოში იქმნება სასერტიფიკაციო კომისია სააგენტოს თავმჯდომარის ინდივიდუალური ადმინისტრაციულ-სამართლებრივი აქტით, ხუთი კაცის შემადგენლობით. (15.08.2012 N 2-149)

2. კომისიის შემადგენლობაში შედიან სააგენტოს სამი და არასამეწარმეო (არაკომერციული) იურიდიული პირი – საქართველოს აგრარული უნივერსიტეტის მებაღეობის, მევენახეობისა და მეღვინეობის ინსტიტუტის ორი წარმომადგენელი. (15.08.2012 N 2-149)

3. კომისიის დასკვნა ფორმდება ოქმის სახით, სადაც დაწვრილებით აისახება სამცნობი მასალის ან ნამყენი ნერგის მახასიათებლების შესაბამისობა საქართველოს კანონმდებლობით დადგენილ მოთხოვნებთან.

მუხლი 3. სერტიფიცირებაზე განაცხადის წარდგენა (15.08.2012 N 2-149)

1. განმცხადებელმა ვაზის სამცნობი მასალების და ნამყენი ნერგის სერტიფიცირებისათვის განაცხადი უნდა წარადგინოს სააგენტოში ან სხვა უფლებამოსილ სასერტიფიკაციო ორგანოში.

2. სააგენტოს ან სხვა სასერტიფიკაციო ორგანოს მიერ განაცხადი მიიღება მხოლოდ იმ განმცხადებლისაგან, რომელსაც გაკეთებული აქვს შეტყობინება სამცნობი მასალების და ნამყენი ნერგის წარმოების შესახებ განზრახვის და მათი ფაქტობრივი წარმოების შესახებ სოფლის მეურნეობის მინისტრის ნორმატიული აქტით – „მევენახეობა-მეღვინეობის სფეროში სასაქონლო პროდუქციის წარმოებასთან და რეალიზაციასთან დაკავშირებული საქმიანობის სავალდებულო შეტყობინების წესის შესახებ“ დებულებით განსაზღვრულ ვადებში და ფორმით.

მუხლი 4. ნიმუშის აღება ექსპერტიზისათვის

1. სერტიფიცირებას დაქვემდებარებული სამცნობი მასალა ან ნამყენი ნერგი უნდა იყოს კონებად შეკრული, თითოეულში 100 ცალი რქა ან ნამყენი ნერგი.

2. სერტიფიცირებისთვის განკუთვნილი პარტიიდან საშუალო ნიმუშის სახით აღებული უნდა იქნას კონები სხვადასხვა ადგილიდან სამცნობი მასალების შემთხვევაში 5%-ის, ხოლო ნამყენი ნერგის _ 10%-ის ოდენობით.

3. თითოეული აღებული კონიდან "ბრმად" აღება 10-10 ცალი მასალა და შეერთდება საკვლევ ნიმუშად.

მუხლი 5. ექსპერტიზა

1. სამცნობი მასალების და ნამყენი ნერგის ვიზუალური ექსპერტიზა შესაბამისობაზე ტარდება უშუალოდ მეწარმის მეურნეობაში.

მეწარმის მოთხოვნით, შესაბამისობაზე შეიძლება გამოკვლეული იქნეს მთლიანი პროდუქცია ან მისი ნაწილი.

საკვლევ ნიმუშების თითოეული ცალი სამცნობი მასალა ან ნამყენი ნერგი უნდა შემოწმდეს საქართველოს კანონმდებლობით დადგენილ მახასიათებლებთან შესაბამისობაზე.

ნებისმიერი საძირე, სანამყენე რქა ან ნამყენი ნერგი დაწუნებულად ითვლება, თუ მისი თუნდაც ერთი მახასიათებელი არ შეესაბამება მოთხოვნას.

კომისია უფლებამოსილია წარმოდგენილი ნიმუში გადააგზავნოს სპეციალიზებულ ლაბორატორიაში ინფექციურ დაავადებათა გამორიცხვის მიზნით.

მუხლი 6. სერტიფიკატის გაცემაზე გადაწყვეტილების მიღება

1. სერტიფიცირების შესახებ გადაწყვეტილების გამოტანისას კომისია ვალდებულია იხელმძღვანელოს:

- ა) სამყნობი მასალების და ნამყენი ნერგის ვიზუალური ექსპერტიზის შედეგებით;
- ბ) ლაბორატორიული კვლევის შედეგებით (ასეთი შედეგის არსებობის შემთხვევაში);
- გ) ვაზის სამყნობი მასალებისა და ნამყენი ნერგის წარმოების ტექნიკური და ფიტოსანიტარული კონტროლის შედეგებით.

2. ვიზუალური და ლაბორატორიული ექსპერტიზის დროს საკვლევი ნიმუშის სულ ცოტა 90%-მა უნდა მიიღოს დადებითი შეფასება.

3. იმ შემთხვევაში, თუ სერტიფიკატის გაცემაზე უარის თქმის მოტივაცია ეხება მხოლოდ ვიზუალური ექსპერტიზის შედეგებს, განმცხადებელს უფლება აქვს გადაახარისხოს თავისი პროდუქცია და ხელმეორედ მიმართოს სააგენტოს ან სხვა უფლებამოსილ სასერტიფიკაციო ორგანოს განაცხადით შესაბამისობის სერტიფიკატის გაცემის შესახებ. (15.08.2012 N 2-149)

მუხლი 7. სერტიფიკატის რეგისტრაცია და გაცემა

1. სასერტიფიკაციო კომისიის დადებითი გადაწყვეტილების მიღების შემთხვევაში სააგენტო ან უფლებამოსილი სასერტიფიკაციო ორგანო განმცხადებელს გადასცემს შესაბამისობის სერტიფიკატს და ატარებს მას რეესტრში. (15.08.2012 N 2-149)

2. შესაბამისობის სერტიფიკატი გაციემა სამყნობი მასალების ან ნამყენი ნერგის მთლიან რაოდენობაზე ან მის ნაწილზე _ პარტიაზე, განმცხადებლის სურვილისამებრ.

3. შესაბამისობის სერტიფიკატის მოქმედების ვადა განისაზღვრება გაციემიდან 4 თვის განმავლობაში.

4.. შესაბამისობის სერტიფიკატში მითითებული უნდა იყოს მისი გაციემის საფუძველი.

5. სააგენტო ვალდებულია: (15.08.2012 N 2-149)

– განაცხადის შემოსვლიდან 5 დღის ვადაში უზრუნველყოს კომისიის გამგზავრება კვლევის ადგილზე;

– განაცხადის შემოსვლიდან 10 დღეში დაასრულოს კვლევა;

– განაცხადის შემოსვლიდან 15 დღეში გასცეს შესაბამისობის სერტიფიკატი, ან განაცხადის მოტივირებული წერილობითი უარი სერტიფიკატის გაციემაზე.

6. სასერტიფიკაციო ორგანოები ვალდებულნი არიან: (15.08.2012 N 2-149)

– განაცხადის შემოსვლიდან 10 დღის ვადაში დაასრულოს კვლევა;

– განაცხადის შემოსვლიდან 15 დღის ვადაში გასცეს შესაბამისობის სერტიფიკატი ან განაცხადის მოტივირებული წერილობითი უარი სერტიფიკატის გაციემაზე;

– მევენახეობა-მეღვინეობის დარგში სერტიფიკაციის სისტემის ცენტრალურ ორგანოს სააგენტოს წარუდგინოს თითოეული გაციემული სერტიფიკატის ირგვლივ არსებული დოკუმენტაციის მთლიანი პაკეტის ასლი.

მუხლი 8. პასუხისმგებლობა

ვაზის სამყნობი მასალებისა და ნამყენი ნერგის რეალიზაცია შესაბამისობის სერტიფიკატის გარეშე იწვევს პასუხისმგებლობას საქართველოს კანონმდებლობის შესაბამისად.

მხარის დადგენის წესი

მუხლი 1. ზოგადი დებულებები

1. მევენახეობის სპეციფიკური ზონების და მევენახეობის მხარის დადგენის წესი შემუშავებულია “ვაზისა და ღვინის შესახებ” საქართველოს კანონის შესაბამისად.

2. მევენახეობის სპეციფიკური ზონების და მევენახეობის მხარის დადგენის მიზანია ადგილწარმოშობის დასახელებათა უმაღლესი ხარისხის და მხარის ღვინოებისათვის იმ ზონების საზღვრების ზუსტი განსაზღვრა, რომელთა სახელსაც ისინი ატარებენ.

3. მევენახეობის სპეციფიკური ზონების დადგენის წესი შეესაბამება “საქონლის ადგილწარმოშობის დასახელებისა და გეოგრაფიული აღნიშვნის შესახებ” საქართველოს კანონის მე-7 მუხლის მოთხოვნებს და მოიცავს:

ა) ნიადაგის კვლევას;

ბ) კლიმატური პირობების კვლევას;

გ) ვაზის ჯიშის სამეურნეო-ტექნოლოგიური მაჩვენებლებისა და აგროტექნიკურ ღონისძიებათა კვლევას;

დ) ღვინის ფიზიკო-ქიმიურ, მიკრობიოლოგიურ და ორგანოლექტიკურ კვლევას;

ე) ღვინის დაყენების ტექნოლოგიური თავისებურებების კვლევას;

ვ) ადგილწარმოშობის დასახელების ღვინოების განსაკუთრებულ თვისებათა კავშირს სპეციფიკურ ზონასთან.

4. მევენახეობის სპეციფიკური ზონებისა და მევენახეობის მხარის საზღვრებს განსაზღვრავს, საქართველოს კანონმდებლობით დადგენილი წესით სამუშაოების დამკვეთის მიერ შერჩეული ფიზიკური ან იურიდიული პირი. (26.07.2013 N 2-179)

5. მევენახეობის სპეციფიკური ზონების და მევენახეობის მხარის დადგენასთან დაკავშირებული სამუშაოების დაფინანსება ხორციელდება დამკვეთის მიერ.

6. მევენახეობის სპეციფიკური ზონების და მევენახეობის მხარის დადგენასთან დაკავშირებული სამუშაოების დამკვეთი შეიძლება იყოს: (15.08.2012 N 2-149)

– საქართველოს სოფლის მეურნეობის სამინისტრო;

– საჯარო სამართლის იურიდიული პირი – ღვინის ეროვნული სააგენტო;

– ყურძნის და/ან ღვინის მწარმოებელი კომპანია – იურიდიული პირი;

– ყურძნის და/ან ღვინის მწარმოებელი ფიზიკური პირი;

– მევენახეთა და მეღვინეთა კავშირები, ნებისმიერი გაერთიანებები, ასოციაციები.

7. მევენახეობის სპეციფიკური ზონებისა და მევენახეობის მხარის საზღვრებს ამტკიცებს საქართველოს სოფლის მეურნეობის სამინისტრო და სახელმწიფო რეესტრში ატარებს საჯარო სამართლის იურიდიული პირი „საქპატენტი“. (26.07.2013 N 2-179)

მუხლი 2. ნიადაგის გამოკვლევა

1. ნიადაგის კვლევის ობიექტებია:

ა) ნიადაგის ტიპები და ქვეტიპები;

ბ) ჭრილის სხვადასხვა გენეზისური ჰორიზონტების მორფოლოგია;

გ) ნიადაგის ფიზიკური თვისებები:

ნიადაგის მექანიკური შედგენილობა;

სტრუქტურა;

ხირხატიანობის ხარისხი;

ხვედრითი წონა;

მოცულობითი წონა;

სითბოს შთანთქმის უნარი;
წყალგამტარობა;
ტენტევადობა, საველე ზღვრული;
- ჰიდროსკოპული ტენიანობა;
დ) ნიადაგის ქიმიური შემადგენლობა:
ჰუმუსი;
აზოტი;
ფოსფორი;
კალიუმი;
კარბონატები;
PH;
მიკროელემენტები-თუთია, მანგანუმი და ბორი.

2. ნიადაგის კვლევა უნდა ჩატარდეს ნიადაგის ფიზიკო-ქიმიური კვლევის აპრობირებული მეთოდებით.

3. ჰექტრების რაოდენობა, რომელიც მოდის ერთ ნიადაგურ ჭრილზე განისაზღვრება კვლევის მასშტაბისა და სირთულის კატეგორიის მიხედვით დანართი 1-ის შესაბამისად.

4. სირთულის კატეგორიის დადგენა ხდება ნიადაგმცოდნე სპეციალისტის მიერ ტერიტორიის წინასწარი დათვალიერების შემდეგ. დაზვერვითი სამუშაოების ჩატარების შედეგად. ადგილის რელიეფის სირთულის, ნიადაგური საფარის სიჭრელის და მცენარეული საფარის გათვალისწინებით, გრუნტის წყლების, დამარილების და დაქვიანების ხარისხის გათვალისწინებით.

5. ნიადაგური კვლევის რუკების მასშტაბი განისაზღვრება საკვლევი ნიადაგის ფართის და სირთულის კატეგორიის შესაბამისად და შეადგენს:

- 1-დან 30 ჰა-მდე - 1 : 2000
- 31-დან 100 ჰა-მდე – 1 : 5000
- გ) 101-დან 500 ჰა-მდე – 1 : 10 000
- დ) 501-დან 1000 ჰა-მდე – 1 : 25 000
- ე) 1000 ჰა-ს ზევით - 1 : 50 000

6 კვლევის შედეგები აისახება ნიადაგური კვლევის რუკებზე შესაბამისი ტექსტობრივი აღწერილობით.

მუხლი 3. კლიმატური პირობების გამოკვლევა

1. კლიმატური პირობების კვლევის ობიექტებია:

- სიმაღლე ზღვის დონიდან;
- ბ) ექსპოზიცია;
- გ) მზის რადიაცია;
- დ) ჰაერის საშუალო წლიური და საშუალო თვიური ტემპერატურა;
- ე) ჰაერის მინიმალური ტემპერატურა;
- ვ) ჰაერის მაქსიმალური ტემპერატურა;
- ზ) აქტიურ ტემპერატურათა ჯამი 100-ზე მეტი;
- თ) მზის ნათების ხანგრძლივობა საათებში;
- ი) ჰაერის ფარდობითი ტენიანობა თვეების მიხედვით;
- კ) ნიადაგის ზედაპირის საშუალო წლიური და ყოველთვიური ტემპერატურა;
- ლ) ნიადაგის ზედაპირის მაქსიმალური ტემპერატურა;
- მ) ნიადაგის ზედაპირის მინიმალური ტემპერატურა;

- ნ) ქარის სიჩქარე და მიმართულება;
- ო) საშუალო წლიური ნალექი;
- პ) ნალექების რაოდენობა სავეგეტაციო პერიოდში (აპრილი-ოქტომბერი);
- ჟ) ნალექიან დღეთა რაოდენობა წელიწადში;
- რ) ნალექიან დღეთა რაოდენობა სავეგეტაციო პერიოდში თვეების მიხედვით;

2. კლიმატური პირობების კვლევა ხორციელდება ექსპერიმენტალური, კლიმატოლოგიური და გამოთვლითი მეთოდების გამოყენებით 5 წლის განმავლობაში.

3. კლიმატური პირობების კვლევის შედეგები აისახება შესაბამის ცხრილებში, ხოლო სპეციფიკური ზონის რელიეფური და სიმაღლეთა სხვადასხვაობის შემთხვევაში- კლიმატოლოგიურ რუკებში.

- ა) 1-დან 30 ჰა-მდე - 1 : 2000
- ბ) 31-დან 100 ჰა-მდე - 1 : 5000
- გ) 101-დან 500 ჰა-მდე - 1 : 10 000
- დ) 501-დან 1000 ჰა-მდე - 1 : 25 000
- ე) 1000 ჰა-ს ზევით - 1 : 50 000

მუხლი 4. ვაზის სამეურნეო-ტექნოლოგიური მაჩვენებლებისა და აგროტექნიკური ღონისძიებების გამოკვლევა

1. ვაზის სამეურნეო-ტექნოლოგიური მაჩვენებლების და აგროტექნიკური ღონისძიებების კვლევის ობიექტებია:

- ა) ვაზის ჯიში;
- სამირე;
- გ) კვების არე;
- დ) დარგვის წელი;
- ე) ფორმირება და შტამბის სიმაღლე;
- ვ) ვაზის ბიოლოგიური მდგომარეობა და ზრდის სიძლიერე;
- ზ) ფიტოსანიტარული მდგომარეობა;
- თ) ვაზის დატვირთვა კვირტებით და ყლორტებით;
- ი) საშუალო მოსავლიანობა ერთ ძირზე;
- კ) საშუალო მოსავლიანობა ერთ ჰა-ზე; მოსავლის რეგლამენტირების მიზნით;
- ლ) ნიადაგის მოვლა დამუშავების გამოყენებული აგროტექნიკური ღონისძიებები;
- მ) გამოყენებული პესტიციდები;
- ნ) გამოყენებული სასუქები, მათი შეტანის ვადები, დოზები, წესები;
- ო) რწყვის სახე, რაოდენობა, ჯერადობა;
- პ) ყურძნის ტკბილის ფიზიკო-ქიმიური და მიკრობიოლოგიური მაჩვენებლები;
- ჟ) ყურძნის დაზიანების სახე და ხარისხი.

2. ვაზის სამეურნეო-ტექნოლოგიური მაჩვენებლებისა და აგროტექნიკური ღონისძიებების კვლევისას გამოიყენება ამპელოგრაფიული და საქართველოს მევენახეობის დარგში მიღებული და აპრობირებული მეთოდები. კვლევის ხანგრძლივობა შეადგენს ხუთ წელს. (26.07.2013 N 2-179)

3. ვაზის სამეურნეო-ტექნოლოგიური მაჩვენებლებისა და აგროტექნიკური ღონისძიებების კვლევის ხუთწლიანი შედეგები აისახება სააგენტოში წარდგენილ ანგარიშში. (26.07.2013 N 2-179)

მუხლი 5. ღვინის გამოკვლევა

1. მევენახეობის სპეციფიკურ ზონაზე წარმოებული ღვინის კვლევის ობიექტებია:

ღვინის ტიპი კლასიფიკაციის მიხედვით;

ღვინის დაყენების ტექნოლოგია;

გ) ღვინის ფიზიკო-ქიმიური მახასიათებლები:

- ღვინის მდგრადობა;
- სიმკვრივე;
- ექსტრაქტი;
- ალკოჰოლის შემცველობა;
- რედუცირებული შაქრები;
- საქარობა;
- ნაცარი;
- ნაცრის ტუტე მჟავები;
- მჟავიანობა;
- აქროლადი მჟავები;
- PH;
- გოგირდის თავისუფალი დიოქსიდი;
- გოგირდის დიოქსიდის მთლიანი რაოდენობა;
- ნახშირბადის დიოქსიდი (ცქრიალა ღვინოების შემთხვევაში);
- ღვინის მიკრობიოლოგიური მახასიათებლები;
- ღვინის ორგანოლექტიკური მახასიათებლები;

2. ღვინის კვლევისათვის გამოიყენება მევენახეობა-მეღვინეობის საერთაშორისო ორგანიზაციის (მსო) მიერ დადგენილი და ევროკავშირის კომისიის 1990 წლის 17 სექტემბრის N2670/90 დადგენილებით აღიარებული ანალიზის მეთოდები.

ღვინის კვლევა ხორციელდება ხუთი წლის განმავლობაში.

3. ღვინის ფიზიკო-ქიმიური და მიკრობიოლოგიური კვლევა, აგრეთვე ორგანოლექტიკური ტესტირება ხორციელდება მზა პროდუქციაზე.

4. ამოღებულია (26.07.2013 N 2-179)

მუხლი 6. კვლევის შედეგების შეჯამება, დამტკიცება და წარდგენა სარეგისტრაციოდ
(26.07.2013 N 2-179)

1. ნიადაგის, კლიმატური პირობების, ვაზის სამეურნეო-ტექნოლოგიური მაჩვენებლებისა და აგროტექნიკური ღონისძიებების და ღვინის კვლევის ყოველწლიური და საბოლოო ანგარიშებზე დაყრდნობით სააგენტო შეიმუშავებს დასკვნებს.

2. სააგენტოს დასკვნა, სპეციფიკური ზონის დადგენისა და ადგილწარმოშობის დასახელების საჯარო სამართლის იურიდიული პირი - საქართველოს ინტელექტუალური საკუთრების ცენტრში - „საქპატენტში“ რეგისტრაციის მიზანშეწონილობის შესახებ, შეიძლება დადებითი იყოს იმ შემთხვევაში, თუ საკვლევი ღვინის ორგანოლექტიკური თვისებები კვლევის ხუთწლიან ციკლში 3 წელს მაინც აკმაყოფილებდნენ ადგილწარმოშობის დასახელებების უმაღლესი ხარისხის ღვინოებისათვის კანონმდებლობით დადგენილ მაჩვენებლებს.

3. სპეციფიკური ზონის დადგენისა და ღვინის ადგილწარმოშობის დასახელებათა რეგისტრაციისათვის საჭირო მასალები გადაეცემა საქართველოს სოფლის მეურნეობის სამინისტროს დასამტკიცებლად მხოლოდ ღვინის ეროვნული სააგენტოს დადებითი დასკვნის შემთხვევაში.

4. საქართველოს სოფლის მეურნეობის სამინისტროს მიერ დამტკიცებული ღვინოების ადგილწარმოშობის დასახელებები, დასკვნებთან ერთად რეგისტრაციისათვის გადაეცემა

საჯარო სამართლის იურიდიული პირს - საქართველოს ინტელექტუალური საკუთრების ცენტრს - „საქპატენტს“

მუხლი 7. ისტორიულად ჩამოყალიბებული და ტრადიციული ადგილწარმოშობის დასახელებათა ღვინოების წარმოების სპეციფიკური ზონებისა და მევენახეობის მხარის დადგენა

1. ისტორიულად ჩამოყალიბებული და ტრადიციული ადგილწარმოშობის დასახელებათა ღვინოების წარმოების სპეციფიკური ზონებისა და მევენახეობის მხარის დადგენა დასაშვებია გამარტივებული წესით _ ნიადაგის ერთჯერადი გამოკვლევით და კლიმატური პირობების, მოცემულ ზონებში ვაზის ჯიშის სამეურნეო-ტექნოლოგიური მაჩვენებლების და ღვინის მრავალწლიანი გამოკვლევების არსებულ მონაცემებზე დაყრდნობით.

2. ისტორიულად ჩამოყალიბებული და ტრადიციული ადგილწარმოშობის დასახელებათა ღვინოებია: "წინანდალი", "თელიანი", "ნაფარეული", "ვაზის უბანი", "მუკუზანი", "ახაშენი", "კოტეხი", "გურჯაანი", "კარდენახი", "ტიბაანი", "ქინძმარაული", "ყვარელი", "მანავი", "ატენური", "ხვანჭკარა", "ტვიში", "სვირი"

დანართი 1

ჰექტრების რაოდენობა, რომელიც მოდის ერთ ნიადაგურ ჭრილზე კვლევის მასშტაბისა და სირთულის კატეგორიის გათვალისწინებით.

ნიადაგის კვლევის მასშტაბი	სირთულის კატეგორია/ჰექტრების რაოდენობა				
	I კატეგორია	II კატეგორია	III კატეგორია	IV კატეგორია	V კატეგორია
1 : 2000	3,0	2,0	1,5	1,0	0,5
1 : 5000	7,0	5,0	4,0	3,0	2,0
1 : 10000	25,0	20,0	18,0	15,0	10,0
1 : 25000	80,0	65,0	50,0	40,0	25,0
1 : 50000	150,0	130,0	110,0	80,0	50,0

ადგილწარმოშობის დასახელების ღვინოების წარმოების მიზნით სპეციფიკური ზონიდან ყურძნის გატანის წესი

მუხლი 1.

წინამდებარე წესი შემუშავებულია "ვაზისა და ღვინის შესახებ" საქართველოს კანონის საფუძველზე. მისი მიზანია ადგილწარმოშობის დასახელების ღვინოების სერტიფიკაციის პროცესის უზრუნველყოფა ობიექტური მონაცემებით.

მუხლი 2.

1. ადგილწარმოშობის დასახელების ღვინოების წარმოების მიზნით სპეციფიკური ზონიდან ყურძნის გატანისათვის მეწარმე სუბიექტმა:

უნდა დაიცვას "მევენახეობა-მელვინეობის დარგში სასაქონლო პროდუქციის წარმოებასთან და რეალიზაციასთან დაკავშირებული საქმიანობის სავალდებულო შეტყობინების წესის შესახებ" დებულების მე-6 და მე-7 მუხლებით გათვალისწინებული მოთხოვნები.

2. წარადგინოს საჯარო სამართლის იურიდიული პირ – ღვინის ეროვნული სააგენტოში შეტყობინება „ადგილწარმოშობის დასახელების ღვინოების წარმოების მიზნით სპეციფიკური ზონიდან ყურძნის გატანის განზრახვის შესახებ“ არა უგვიანეს პირველი სექტემბრისა დანართი №1-ის ფორმით. (15.08.2012 N 2-149)

მუხლი 3.

ადგილწარმოშობის დასახელების ღვინოების წარმოების მიზნით სპეციფიკური ზონიდან ყურძნის გატანა დასაშვებია მხოლოდ იმ შემთხვევაში, თუ ვენახების ტექნიკური და ფიტოსანიტარული კონტროლით დადგენილია, რომ ამ ვენახების ყურძენი შეესაბამება ადგილწარმოშობის დასახელების უმაღლესი ხარისხის ღვინოების დასამზადებლად განკუთვნილი ყურძნისადმი კანონმდებლობით დადგენილ მოთხოვნებს.

მუხლი 4. (15.08.2012 N 2-149)

მეწარმე სუბიექტი ვალდებულია საჯარო სამართლის იურიდიულ პირს – ღვინის ეროვნულ სააგენტოს არა უგვიანეს 15 ნოემბრისა წარუდგინოს შეტყობინება სპეციფიკური ზონიდან ყურძნის გატანის ფაქტობრივი მოცულობის შესახებ დანართი №2-ის შესაბამისად.

მუხლი 5.

მეწარმე, რომელიც აწარმოებს ადგილწარმოშობის დასახელების ღვინოებს სხვა სპეციფიკური ზონიდან გამოტანილი ყურძნით, ვალდებულია ყურძნის მიღების ჟურნალის ("ტექნოლოგიური პროცესების აღრიცხვის წესის შესახებ" დებულების დანართი N1) მე-4 გრაფაში მიუთითოს იმ სპეციფიკური ზონის დასახელება, საიდანაც იქნა გამოტანილი ყურძენი.

მუხლი 6.

სპეციფიკური ზონიდან ყურძნის გატანის წინამდებარე წესში ჩამოყალიბებული დებულებების იგნორირების ან დარღვევის შემთხვევაში სპეციფიკური ზონიდან გატანილი ყურძნით წარმოებული ღვინისათვის დაუშვებელია ადგილწარმოშობის დასახელების ღვინის კატეგორიის მინიჭება იმ შემთხვევაშიც, როდესაც ღვინო თავისი ფიზიკო-ქიმიური, მიკრობიოლოგიური და ორგანოლექტიკური მონაცემებით აკმაყოფილებს ასეთი ღვინოებისადმი წაყენებულ მოთხოვნებს.

დანართი N1
წარედგინება არაუგვიანეს
1-ლი სექტემბრისა

საწარმოს დასახელება _____

მისამართი _____

შეტყობინება

**ადგილწარმოშობის დასახელების ღვინოების წარმოების მიზნით
სპეციფიკური ზონიდან ყურძნის გატანის განზრახვის შესახებ**

საწარმოს განზრახული აქვს 200.... წლის ყურძნის გადამუშავების სეზონზე ადგილწარმოშობის დასახელების ღვინოების წარმოების მიზნით ყურძენი გაიტანოს შემდეგი სპეციფიკური ზონებიდან:

NN	იმ სპეციფიკური ზონის დასახელება, საიდანაც უნდა გაიტანოს ყურძენი	ყურძნის ჯიში	გასატანი ყურძნის სავარაუდო რაოდენობა ტონებში	ყურძნის გადამუშავების ადგილმდებარეობა

საწარმოს ხელმძღვანელი
" " _____ 200 წ..

დანართი N2

წარედგინება არაუგვიანეს

15 ნოემბრისა

საწარმოს დასახელება _____

მისამართი _____

შეტყობინება

**ადგილწარმოშობის დასახელების ღვინოების წარმოების მიზნით
სპეციფიკური ზონიდან ყურძნის გატანის ფაქტიური მოცულობის შესახებ**

საწარმოს განზრახული აქვს 200.... წლის ყურძნის გადამუშავების სეზონზე ადგილწარმოშობის დასახელების ღვინოების წარმოების მიზნით ყურძენი გაიტანოს შემდეგი სპეციფიკური ზონებიდან:

NN	იმ სპეციფიკური ზონის	ყურძნის ჯიში	ყურძნის რაოდენობა ტონებში	საშუალო შაქრიანობა %	ყურძნის გადამუშავების ადგილმდებარეობა

	დასახელება, საიდანაც უნდა გაიტანოს ყურძენი				

საწარმოს ხელმძღვანელი

" " _____ 200 წ..

**ყურძენისეული წარმოშობის ალკოჰოლიანი სასმელების
ეტიკეტირების კონტროლის
წესი**

მუხლი 1.

წინამდებარე წესი შემუშავებულია "ვაზისა და ღვინის შესახებ" საქართველოს კანონის საფუძველზე.

მუხლი 2. (15.08.2012 N 2-149)

საქართველოს ტერიტორიაზე წარმოებული ღვინის, ღვინის ბრენდისა და ყურძენისეული წარმოშობის სხვა სპირტიანი სასმელების ეტიკეტზე გამოყენებული აღნიშვნები ექვემდებარება სახელმწიფო კონტროლს, რომელსაც ამ წესის შესაბამისად ახორციელებს საჯარო სამართლის იურიდიული პირი – ღვინის ეროვნული სააგენტო (შემდგომში – სააგენტო).

მუხლი 3.

ეტიკეტზე გამოყენებული აღნიშვნების კონტროლის მიზანია მომხმარებელთა დაცვა პროდუქციის შესახებ მცდარი ინფორმაციის მიწოდებისაგან.

მუხლი 4. (15.08.2012 N 2-149)

მეწარმე სუბიექტი, რომელიც მიმართავს სააგენტოს თავისი პროდუქციისთვის შესაბამისობისა და წარმოშობის სერტიფიკატების გაცემის თაობაზე, ვალდებულია პროდუქციის ნიმუშებთან ერთად წარადგინოს ეტიკეტის ნიმუში.

მუხლი 5. (15.08.2012 N 2-149)

სააგენტო ამოწმებს ეტიკეტზე გაკეთებული აღნიშვნების შესაბამისობას „ვაზის და ღვინის შესახებ“ საქართველოს კანონით დადგენილ ნორმებთან და შესაბამისობის სერტიფიკატთან ერთად გადასცემს მეწარმეს ეტიკეტის შეთანხმებულ ესკიზს.

მუხლი 6. (15.08.2012 N 2-149)

ეტიკეტზე გაკეთებული ზოგიერთი აღნიშვნის გადამოწმების მიზნით სააგენტოს უფლება აქვს მეწარმეს მოსთხოვოს დამატებითი ინფორმაცია, კანონმდებლობით დადგენილი წესით.

მუხლი 7. (15.08.2012 N 2-149)

სააგენტო უფლებამოსილია სერტიფიცირებული პროდუქციის ეტიკეტირების კონტროლი განახორციელოს საინსპექციო კონტროლის დროსაც.

მუხლი 8. (15.08.2012 N 2-149)

სარეალიზაციო ჭურჭელში ჩამოსხმული პროდუქციის რეალიზაციისას „ვაზისა და ღვინის შესახებ“ საქართველოს კანონით გათვალისწინებული ეტიკეტირების მოთხოვნათა დარღვევის გამოვლენის შემთხვევაში სააგენტო უფლებამოსილია შეაჩეროს აღნიშნულ პროდუქციაზე გაცემული შესაბამისობის სერტიფიკატის მოქმედება აღნიშნული დარღვევის აღმოფხვრამდე.